




吕祖三世因果说

敬惜字纸
不着转送

風雅文庫
文庫 19
F399
82:2
早稲田大学図書印



呂祖三世因果誌

不詳其
世世果報

道祖呂師寶誥

玉清內相金闕選仙化身爲三教之師掌
法判五雷之令黃梁夢覺忘世上之功名
寶劍光騰掃人間之妖怪四生六道有感
必孚三界十方無求不應黃鶴樓頭留聖
蹟玉清殿內煉丹砂存聖象於山崖顯仙
踪於古洞闡法門之香火作元嗣之梯航
大聖大慈大仁大孝開山啟教元應祖師



天雷上相靈寶真人純陽演正警化孚佑
帝君興行妙道天尊

呂純陽仙師因果說序

從來天之生物也每因材而篤栽者培傾
者覆天非有私意於其間亦任人之自爲
榮枯耳故修德則日進於高明作慝則日
流於污下甚至偃蹇終身呼天號泣而莫
知其由者曷可勝道哉昔祇園氏憫念衆
生沉迷作因果經以教世蓋欲人人回頭
咸登彼岸種此善因皆成正果所云正果

即吾儒所謂賢達者流也乃世人不察自
甘墮落深投苦海迨至仰首望救呼籲無
門不亦晚乎又或目爲老生常談謂世間
寧有因果之事吁彼亦曾將世間人如某
某者因何富貴某某者因何貧賤某某者
因何受福某某者因何受苦一一推論而
比絜歟昔人云諸惡莫作衆善奉行三歲
孩兒都曉得八十老人行不得此因果之

說所爲急宜講也予適降遊錦里聞諸生
互相砥礪常以功過格自考此真修身之
要進德之基亦造福立命之原也一日諸
生成以純陽因果說一冊來壇請序於予
披覽之餘覺言可爲經語皆足法說世間
事悉透徹無遺旣淺顯堪聽復精確不磨
每說一因覺老嫗可解穉子皆知真不啻
暮鼓晨鐘發人深省也已此書一出將見

人人種此善因人人獲此善果也人人戒
此惡因人人遠此惡果也予能不厚望之
哉爲諭諸生急宜付梓以醒斯世其爲功
也溥矣復何疑焉

開化七曲文昌梓潼帝君桂香閣左班掌
案書仙紅那居士 序
昔嘉慶己卯歲孟夏月朔八日鸞書

孚佑帝君純陽祖師三世因果說

詩曰

世間難得是人身 位列三才具五行 爲聖爲賢須在已
成仙成佛總由人 存心不可欺天地 舉念還當畏鬼神
急急修來毋自怠 輪迴六道嘆沉淪

話說東海有一島曰蓬萊其中瓊樓玉闕瑤草琪花迥非人
間所有乃神仙所居之地內有一神仙乃太微仙君純陽祖
師姓呂名巖字洞賓道號純陽本唐時禮部侍郎呂渭相國
之孫咸通中舉孝廉嘗應進士遊長安值黃巢亂隱居終南
山後遇鍾離祖師授以度世法丹成跨鶴上昇引見

玉皇上帝勅封玉清內相金闕選仙李佑帝君妙道天尊爲諸
仙首領委行飛鸞顯化人間救度衆生指示羣迷凡夙世積
有善根者俱准收錄門下一日衆弟子等虔設法筵禮請祖
師降壇叩問前後今世一切因果祖師諭曰玄天上帝金科
玉律有云欲知前世因果今生受者之身欲知後世因果今
生作者之心四語已盡又佛說一切福田不離方寸可見轉
移造化只在人之一心耳成仙成佛是此心爲聖爲賢是此
心披毛戴角亦是此心世間愚夫愚婦不識前後因果迷却
本性以致墮入劫中深爲可憫吾茲大發慈悲廣爲演說詞
雖俚淺義取通曉亦以點破凡塵使知自做云爾於是說曰

今人不知前世因 聽我宣說因果文 若是前生修積好
今生受享不非輕 若是今生修積好 依然受享到來生
惟願大衆齊聽得 洗滌凡根見聖心

爾時祖師告衆曰今人高官顯爵位列朝廷上耀祖宗下榮
妻子愚人皆以爲命運所致正不知其前世能遵孝道故今
世受享若是蓋修積之途雖廣終當以孝爲先也於是說曰
高官顯爵爲何因 只爲前生有孝行 事事只求親喜悅
婉容和氣對雙親 有些美味都供養 有些好衣奉親身
早晚二時常問候 凡事稟命然後行 親若有病在床榻
侍奉湯藥每殷勤 親若惱怒來責備 低頭順受不做聲

親若有意施功德 歡喜贊助積來因 親若與人要爭訟
苦口勸解莫去行 親若有事多憂悶 婉言安慰莫焦心
親於兄弟有偏愛 讓財讓產不忍爭 親於族黨欲周給
銀錢不吝半毫分 親若有時拖了債 代還逋欠甚分明
親若行事多乖僻 從容感化勸回心 事事順親真個孝
故爾今生作貴人 若是今生仍盡孝 來生依舊享恩榮
爾時眾弟子等進曰 凡前世有不孝者來世受報何如祖師
告曰 前世不孝卽有兒孫忤逆之報 原不俟諸來世也 然究
之轉生來世亦仍受忤逆之報 莫能脫逃 此等前因愚人皆
未深知 於是說曰

兒孫忤逆爲何因 只爲前生寡孝行 父母教訓都不聽
惡聲厲色對雙親 美味買來私自食 好衣付與妻子身
親老不顧出門去 銀錢不寄半毫分 若是雙親常責怒
敢將言語觸親心 有等家貧身懶惰 凍餓父母好傷情
有等奢華敗祖業 致親憂悶暗生嗔 有等弟兄不和順
吵得父母不安甯 有等聽信妻妾語 違背父母亂胡行
有等外面假承順 其實視親若路人 有等親病都不問
推言老病久呻吟 親死喪葬都草率 何曾哀慕發真心
前生不孝該現報 今生仍受忤逆因 兒孫不孝非無故
總爲忘了養育恩 你若今生能盡孝 自有兒孫孝你身

爾時眾弟子等進曰世人身享豪富其前生果修何因始能至此祖師告曰欲得大富當勤施濟蓋種麻得麻種豆得豆此是定理今人身享豪富乃前世從施濟中來也於是說曰身享豪富爲何因 只爲前生肯濟人 或將錢米施貧戶 或將被襖救窮親 或遇婚嫁頻幫助 我遇喪葬每留心 或施棺槨行好事 或施塚地與貧人 或施茶飯免飢渴 或施方藥救呻吟 或造橋梁濟人過 或修要路與人行 或施田畝興義學 或修廟宇安神靈 或編善書來勸世 或平斗舂賑鄉鄰 或造河船濟人渡 或於夜路點天燈 或立石碑指迷路 或將雨傘借路人 時時行的是方便

種種修的是善因 前生施了多和少 故爾今生報在身 庫有金銀倉有粟 一生享富過光陰 爾時眾弟子等問曰世人有爲善不昌者此是何因祖師告曰爲善不昌乃是前生惡業太多必待惡業消滿方得發達但愚人迷失性真不知前世所積惡業所以今生來世身受貧苦無有已時也於是說曰

身受貧苦爲何因 都是前生吝嗇人 窮民哀告終不應 親友借貸不做聲 造橋砌路與修廟 從來不肯破分文 只圖做個自了漢 那知積德種善因 有的銀錢多刻剝 佃戶田租利不輕 有的不念傭工苦 要他身上扣幾分

有的家人拋五谷 殘飯零米棄埃塵 有的盤債心險毒
利上加利過三分 有的斗稱用兩樣 買賣奸巧忒欺心
有的假神來賽會 聚眾燒香斂錢文 有的作爲心不善
慣將穢食喂眾人 有的平人一古塚 埋滅陰地罪非輕
前生作孽天不赦 罰令今生受苦貧 若要來生好結果
須行方便種善因

爾時眾弟子等問曰世人有累代科名相延不絕者此是積
何因果祖師告曰此由前世不淫故能登大魁致顯位榮宗
祖福子孫書香不絕如此如或今世有人堅守貞操不犯淫
慾不惟現世獲福亦且餘慶及於來世矣於是說曰

累代科名爲何因	只爲前生不犯淫	人家有女雖妖艷
並無一念起淫心	年紀稍長視爲姊	年紀稍幼當妹身
花顏玉貌非吾偶	恐怕壞了他終身	一恐自己損陰騭
二恐驚動天上神	三恐報應來得快	不敢苟且犯邪淫
有時遇着談閨闈	正言怒色戒他人	有時遇着中途女
不敢掉頭看他身	有時遇着乾姊妹	不許來往說私情
有時遇着表姊妹	不許相見笑盈盈	有時遇着媼和嫂
不許同坐並同行	有時遇着甥女輩	不許移步出閨門
有時遇着邪書畫	卽時搜檢付火焚	有時遇着淫朋友
不許同窗共結盟	存心正直天知道	故爾今生顯科名

因果說
大衆今且齊聽說 再表古時不淫人 唐時有个狄仁傑
生平正直性聰明 一夜有女來就枕 和衣不解到五更
後來及第爲宰相 子孫顯桂在朝廷 江西有个少年士
他的姓名叫羅倫 夜晚讀書在樓上 有女來奔近他身
羅倫將他哄回去 後來狀元第一名 餘干有个陳醫士
曾治一人家甚貧 夜間有婦願陪宿 聊報陳醫活命恩
陳醫只是說不可 連聲不可到天明 後來一子赴鄉試
名登虎榜第一名 累代兒孫都顯貴 更留陰德到來生
今人若是將淫戒 生生世世享科名
爾時衆弟子等問曰凡人前世有犯淫者來世當受何報祖

師告曰陰律云姦人妻者得子孫淫佚報姦人室女者得絕
嗣報死後永入無間地獄受諸苦惱無有出期也於是說曰
妻女淫亂爲何因 只爲前生每好淫 身後絕嗣爲何因
亦爲前生犯了淫 有等調戲良家女 壞人名節誤終身
有等設計來哄宿 姦人婦女罪非輕 有等路途看婦女
朝思暮想起淫心 有等藏得春宮畫 婦女見了不禁情
有等當場點那戲 婦女看了照樣行 有等愛唱妖艷曲
婦女聽了動春心 有等污壞了鬢女 逞勢強姦太忍心
有等放蕩無行止 雞姦幼童罪非輕 此等惡業人不曉
怒觸陰曹衆鬼神 只待陽間惡貫滿 陰司拿去問罪名

罰在地獄受諸苦 五百劫滿方脫生 變驪變馬披鞍走
罪業滿後乃爲人 雖然復得人身轉 爲娼爲優被人淫
姦了尼僧並寡婦 罰在地獄難超生 教他受苦八百劫
八百劫滿方脫生 變猪變羊供宰殺 罪業滿後乃爲人
雖然復得人身轉 爲瞎爲啞成廢人 亂了姨母罪尤重
盜了姑孀罪非輕 罰在地獄受諸苦 刀山劍樹好驚人
受盡一千五百劫 變雞變犬失人形 再歷一千五百劫
罪滿之後乃爲人 雖然復得人身轉 胎前產後喪殘生
更有造作淫書賣 壞人心術罪尤深 若要翻刻圖射利
陰府油鍋不順情 罰在地獄受諸苦 千磨萬劫難超生

直待陽間書滅盡 變蛇變鼠受轉輪 諸般苦惱俱受盡
方令鬼國去投生 卧雪餐風皮慘裂 巖居穴處獸同羣
天上三光不得見 昏昏默默度無門 看此慘報我亦哭
世人何苦犯色淫 我今大發慈悲念 特說因果度衆生
衆生若有未曾犯 刻刻隄防要小心 若是有人曾犯過
卽時改悔莫因循 速速勉行陰騭事 庶免受苦到來生
爾時衆弟子等進曰 凡人有兒孫賢孝者 彼前世何修至此
祖師告曰 兒孫賢孝皆因前世有恩德及人故也 於是說曰
兒孫賢孝爲何因 只爲前生肯濟人 或是憫人遭水火
或是憫人陷官刑 或是憫人被盜賊 或是憫人染時瘟

或是憫人被債逼 或是憫人相鬪爭 或憫孤兒無倚靠
或憫孀婦守青燈 所見患難俱不一 心常惻隱動哀矜
富者出錢來幫助 貧者出力解紛紜 或是好言來勸釋
或是設法濟顛危 或是焚券完骨肉 或是仗義保全人
他人受過這恩德 所以來世就投生 也有讀書勤奮志
登科出仕顯親名 也有耕田苦効力 倉箱積久慶豐盈
也有經商成大業 堆金積玉把家興 一堂濟濟無限樂
蘭桂齊芳世世榮 到得百年辭世後 送老歸山展墓塋
前生待得他人好 今生故做你兒孫 此事分明容易曉
何不早早修來因

爾時眾弟子等問曰世有不肖兒孫往往傾家蕩產玷辱祖宗貽累后人此何因歟祖師告曰此亦前世宿業世人有莫知其所以然者於是說曰

兒孫蕩產爲何因	只爲前生哄騙人	借他銀錢就圖賴
不肯還他半毫分	賒他貨物就拖欠	短人本利實虧心
檢得銀兩不還給	害他自己把命傾	許人銀兩多負約
令他望得好傷情	使的假銀將他騙	令他氣死赴幽冥
謀他房屋設奸計	入了圈套不知因	占他田地興詞訟
結下冤業到於今	誘他嫖賭入迷陣	致使家業兩離分
大斗小稱將他賺	出輕入重不分明	小事唆他去告狀

於中取利喪良心 盤他利息年年重 准折田地把家傾
 圖他所有稍不遂 買盜扳賍屈害人 萬般惡業由你做
 上蒼報應不差分 前生你既將他騙 今生討債不容情
 背地大嫖兼大賭 田房白白送與人 討完宿債身纔死
 又絕你家後代根 世人急須早看破 多積陰德莫虧心
 爾時眾弟子等進曰今人壽長前世果修何因乃克至此祖
 師告曰欲得長壽先須戒殺今人壽長蓋自前世不殺生來
 也於是說曰

今人壽長為何因 只為前世不殺生 雞猪鵝鴨雖異類
 盡知怕死與貪生 牛羊犬馬雖畜物 臨死悲哀不忍聞

魚龍蝦蟹原非補 食之未必果肥人 不如饒他性命罷
 何苦一定要傷生 世間儘有珍羞味 燕窩海菜不計名
 縱然佳節要祭祀 乾魚火腿亦芳馨 惟有仁人能愛物
 隨時買物來放生 要且往來路途士 低頭舉步每留心
 一切虫蟻怕傷害 存心到處寓慈仁 墳前祭祀燒錢紙
 常用瓦盆慢慢焚 前生積了這陰德 蒼天默佑不非輕
 注他長壽身康健 賜他福祿及兒孫 今人若肯遵吾說
 來生依舊享遐齡

爾時眾弟子等進曰今人壽短豈前世盡由殺生之故歟祖
 師告曰凡人姦盜詐偽以及口頭輕薄皆能促壽至於殺生

尤犯天怒罰令壽短不足以盡其辜也於是說曰

今人壽短爲何因 只爲前世好殺生 有等覆巢將物取
有等填穴把命坑 有等殺龜熬汁用 有等打蛇實忍心
有等網魚恣口腹 有等烹鱉極非刑 有等割胎充美味
有等放火燒山林 有等宰牛施苦楚 有等屠犬當營生
種種惡業難盡說 種種報應不差分 與你黃金千百兩
可肯將皮割與人 我見地獄號冤者 森羅殿上訴分明
冥司大怒來判斷 罰令短命在今生 更許冤魂相報復
來世爲人殺他身 自古一命還一報 陰府何曾放過人
世間男女齊聽着 急須戒殺莫傷生

爾時衆弟子等問曰今人有疾病顛連終身困苦者未知前世何因至此祖師告曰平常疾病或有可愈若患至積年累月困苦不堪者皆因前世褻慢神明宿譴所致也於是說曰
今生疾病爲何因 只爲前生不敬神 天地位前無香火
祖師堂上莫爐熏 神明誕日不齋戒 有事祈禳敢吃葷
每逢朔望行烹宰 動輒清晨發怒聲 每日貪眠不早起
種種邪念擾不清 北方乃是至尊位 對着遺溺罪非輕
家中還有司命主 晦日奉事上天庭 家人無知犯忌諱
嬉笑歌哭發怒聲 竈下灰火不潔淨 何故燒香祀衆神
夜間亂指飛星過 無端久視日月明 對北與人常惡罵

許愿無辜宰畜牲 任意呵風並罵雨 引神作証舉誓盟
夜起坦胸兼露體 吃烟無火向神燈 醉酒顛狂入聖廟
偶觀塑像起邪心 種種不敬神明怒 今生罰作受苦人
或令手足俱癱軟 或令瘡毒遍周身 此等皆因前世積
故爾受譴在今生 我今一一來點破 世人改悔莫因循
爾時眾弟子等問曰今人有生平無甚功德竟能諸事如意
長享康甯之福者此人前世果修何因歟祖師於是說曰
今生享福爲何因 只爲前生肯敬人 遇着年老常尊敬
禮貌周旋心最真 遇着平等惟讓齒 不敢驕傲自稱尊
遇着破衣親共友 恭敬款待送出門 更且度量能寬大

生平容恕多少人 人有惡語來相犯 耐心忍受過光陰
人以他事來苛責 並無一毫計較情 遇有欺我罵我輩
讓怕他不與爭 人所難忍獨能忍 人所難平獨能平
處世謙和惟忍讓 從無一字入公門 天意憐他吃虧人
故令享福到今生 家門清吉多和順 天上吉星每照臨
上有父母身康健 下有兒孫讀與耕 內庭每得賢妻助
外有賓朋互奉承 栽花種竹隨所好 飲酒賦詩樂自存
觀書玩月胸無事 走馬乘船夢不驚 更且身體俱無病
曰富曰壽曰康甯 此等皆因前世積 世人何不細思尋
爾時眾弟子等問曰今人有無故折盡平生之福者此何因

歟祖師告曰凡人所為苟有虛誣謬妄皆能折福惟是一念方起一言初出有將一生之福折盡者不可不戒也於是說曰

今生折福為何因	只為前生惡念深	見他榮貴願他貶
見他富有起妬心	見他醜陋將他笑	見他失誤說他非
見他才能將他抑	見他色美起私心	負他貨財願他死
見他作善阻勿行	與人無故反追悔	施人有意望報恩
外貌雖慈心刻毒	口說雖是心藏非	交遊詭詐欺朋友
禮儀苟簡慢師尊	些微受辱偏懷忿	千求不遂咒恨生
自知有過偏不改	自知背理却要行	貪念妬念偏急念

淫心盜心殺害心 種種惡意方才起 鬼神早已註分明
 黑業簿中陰惡滿 削盡祿壽與科名 只因前世心不善
 故令折福在今生 世間一切由心造 可知防意如防城
 爾時眾弟子等進曰今人有一生聰明得享福慧者其前世
 積何因果歟祖師告曰此由敬惜字紙之報也若再積有他
 途功德以之悟道成真不難矣於是說曰

聰明慧悟為何因	只為前生重斯文	聖賢言語都欽敬
仙佛經文寶若珍	一切字紙都愛惜	諸般典籍仔細存
毛房粉壁不書字	鞋靴裡面不留名	碗盞器物不鏤號
板橙坐几不題名	錢封化後隨收拾	路途字紙入爐焚

遺灰不敢輕拋棄 收埋淨土每留心 告狀官詞都不寫
無名白帖不亂行 不肯與人寫騙約 不肯與人寫離婚
或修字庫收遺紙 或編字籠送與人 以此得重斯文報
今生儒雅又聰明 上通天文下地理 前知古人後知今
若再積有他功德 何難悟道竟成真

爾時眾弟子等問曰今人有愚癡蠢鈍者其前世又何因歟
祖師告曰是卽輕慢斯文穢褻字紙之報也於是說曰

愚癡蠢鈍爲何因 只爲前生慢斯文 聖賢言語都毀謗
仙佛經懺敢相輕 殘書裏物該何罪 廢紙糊窗不可問
鞋靴裡面字不洗 毛房粉壁亂胡行 碗盞器物都鏤號

板橙坐几敢書名 有時抹掉隨拋棄 有時穢手亂翻經

點火吃烟宜減壽 搓條作撚罪難名 扇上題詩藏襖內

途間遺字委埃塵 頭枕經書太褻慢 口嚼文稿欠聰明

前生如此不尊重 故爾今生不識文 要認一字認不得

要寫一句寫不能 任爾家業誇豪富 猶如瞽者黑夜行

此是不重斯文報 各人早早修來因

爾時眾弟子等問曰今人有眼瞎者前世又何罪歟祖師告
曰此較愚癡蠢鈍之人罪業尤重蓋前世別無他途功德所
以受報最慘也於是說曰

今生眼瞎爲何因 只爲前生獲罪深 或是私作遺魂紙

收買字紙再造成 或是將字拋入糞 污穢之罪實非輕
或是離婚寫憑約 手印脚印驚天神 或遇行人來問路
東西亂指誤前程 或爲家貧莫油點 乘機向晚盜天燈
或將瓦石堆路口 夜間跌壞衆人行 或做人牙慣圖利
好女套來配歹人 或是誤薦一匪類 令人被害把家傾
或是暗夜謀偷盜 粧拌奇形恐嚇人 或是欺人眼盲瞎
故將糞虫與他吞 如此等罪真難恕 罰令眼瞎到今生
爲語世人須猛省 各人早早修來因

爾時衆弟子等問曰今人有口啞不能言語者是何因歟祖
師告曰世人口啞卽是前生口業太重也於是說曰

今人口啞爲何因 只爲前生亂說人 人有過失何關已
偏要背後詆毀人 人有宿怨宜和解 偏要兩舌離間人
或是笑人體相缺 或是造人一混名 或是口出尖酸話
或是惡話犯貧親 或是喜聞人長短 或是造謗毀平人
或是好談淫賭趣 或是拆散人婚姻 或是戲謔諸前輩
或是冷語譏誚人 或是開口亂賭咒 或是說謊誤他人
或是好揚閨醜事 或是憑空誣陷人 前生口業無邊重
今生受報不非輕 口裡要說說不出 天罰爲啞豈容情
世人言語須檢點 各宜早早修來因

爾時衆弟子又問曰今人有平生無大過惡竟至窮年潦倒

終身蹭蹬者此前世何因歟祖師告曰世人雖平生無大過惡然由前世積累太重以故今世謀為不遂所往輒窮也於是說曰

今生潦倒為何因	只為前生侮慢人	或是前身本秀士
矜誇自己會能文	或是前身本富戶	恃財反笑讀書貧
或是前身本鄉宦	自矜名節不顧人	或是前身本醫士
方脉指下不分明	或是前身本地理	龍穴砂水認不清
或是前身本宿學	改倩文字誤學生	或是前身貪色慾
燈前月下肆行淫	或是前身滋口業	隨風訕笑謔他人
或是前身多寵妾	壓良為賤誤終身	前生作業遭天譴

今生潦倒一無成	有意敬人人不答	有心開口世莫聽
有志求名名不遂	有時謀利利不亨	終身蹭蹬非無故
都係前生所積因	若能悔悟行諸善	自能感格上蒼心

爾時眾弟子等問曰今人有無辜受刑死於非命者此前世何因歟祖師告曰此即前世兩家冤業彼此轉相報復故也於是說曰

今人被屈為何因	只為前生害過人	前生妄寫離婚紙
今生被杖受官刑	前生告狀將人陷	今生受法在公庭
前生刀筆將人殺	今生問罪受斬刑	前生造毒將人害
今生犯罪不非輕	前生昧已作干証	今生受累在衙門

因果記
前生醉酒將人罵 今生受辱在刑廳 前生作吏將人嚇
今生受屈死無名 前生動手將人打 今生無故受柱刑
前生當衆斥人過 今生受侮被人輕 前生用藥將胎下
今生兒女結冤親 前生索債逼人命 今生被盜扳入羣
前生磕詐圖財寶 今生禍從天上臨 前生移屍把人賴
今生闖見躲無門 冤冤相報無休息 兩家結怨總難分
世人凡事須忍耐 莫結冤業到來生
爾時衆弟子等又問曰今人身爲婦女事事受屈此前世何
因歟祖師告曰凡有此等婦女皆是前生所造惡業故今生
受譴如是也於是說曰

受苦婦女又何因	只爲前生宿業深	不奉翁姑虧孝道
不禮爺娘寡孝行	不敬丈夫忘禮義	不和妯娌失天真
不愛前妻共兒女	不睦家門族與親	無故燒香入寺廟
無故聚飲在閨門	無故污穢井與竈	無故剪裁羅與綾
無故打雞並罵犬	無故看戲與觀燈	無故對人道長短
無故痛打奴婢們	無故喚人唱詞曲	無故貪嗜甘與肥
無故私自施僧道	無故牌骰鬪輸贏	無故朝山假拜佛
無故滾水潑埃塵	一切字紙不知敬	一切虫蟻被傷生
狼藉五穀天不赦	殺害生命罪非輕	喜教子弟占便益
唆使丈夫逆大倫	前生惡業如山重	故爾今生變婦人

嫁雞嫁狗不由己 富貴貧賤總難心 終老閉在閨房內
那有知識與見聞 搬柴運水遭磨難 生男育女苦不停
各人在家積些德 倫常日用好修行 二老就是釋迦佛
親夫就是彌陀尊 若能好好勤奉敬 來生依舊轉男身
爾時眾弟子等問曰 今人有暮年無子者 未知前世何因祖
師告曰 人至暮年無子 亦是前生惡業 苟能急時悔過遷善
尚可以挽回天心 若或悠悠忽忽 則無濟矣 於是說曰
暮年無子爲何因 只爲前生不認人 同姓宗族都不顧
忘了先祖一脉根 異姓親朋都不問 忘了禮義罔爲人
人有恩德不圖報 忘了當初厚待恩 人有急難不知救

忘了惻隱一段情 只曉穿衣自吃飯 只知袖手緊閉門
前世寡情並寡義 誰肯投胎做後人 有等前生爲父母
踐踏兒女不聊生 冥司罰令身無後 祈求子嗣總不靈
有等前生爲家長 虐使奴婢不堪聞 冥司罰令身無後
終身孤獨靠何人 有等前生爲債主 刻求重利不饒人
冥司罰令身無後 後代香烟誰奉承 有等前生惟好色
偷香竊玉犯邪淫 冥司罰令身無後 熊羆兆夢杳無音
有等前生多置妾 年老誤他好青春 冥司罰令身無後
披麻帶孝望誰人 有等前生覆巢穴 傷壞虫鳥太不仁
冥司罰令身無後 墳前祭掃屬何人 有等前生多隱惡

墮胎損子射飛禽 冥司罰令身無後 門祚衰微少後人
今世不曉前生業 三妻四妾枉勞神 縱有他人來承繼
異姓亂宗不是親 死後靈魂無倚靠 淒淒切切苦飄零
先人血食都已斬 悔不生前積善因 吾仙今日來點破
速行陰騭感天庭

爾時眾弟子等問曰歷觀世人有遭末劫者此又何因歟祖
師告曰世道淪降人心不古造惡愈多受報愈烈此不待來
生始罹劫運當其作業時黑氣上冲於天盤結不散以致釀
成惡劫此非天心不仁實人自取之也於是說曰
人遭末劫為何因 都為前生絕善根 不敬三寶徒造罪

不禮三光肆惡因	對北呵風並罵雨	失意怨天與尤人
不忠不孝兼不弟	無禮無義又無仁	殺生害命傷天理
毆尊罵長叛人倫	姦淫賭盜成風俗	暴虐貪殘不可聞
鄉黨宗族時相毀	兄弟妯娌互分爭	能者恃才惟傲眾
富者倚勢復欺貧	巧言妄語助人過	損人利己罪尤深
暴殄天物真難恕	陰毒害人最可嗔	祖宗墳墓拋不顧
兒女溺死慘難云	種種惡業如山積	黑氣冲天結似雲
日月薄蝕星辰變	陰陽乖戾禍成因	惡人既多釀成劫
魔鬼巡世起亂民	歲荒處處兵戈滿	世亂年年盜賊興
或是全家遭水火	或是骨肉碎刀兵	或是流離死道路

或是宛轉受瘟刑 若要劫數從此免 須是人人發善心
一人有善一人免 一家有善一家亨 一方有善一方靜
天下有善天下甯 爲語世人須敬聽 各自回頭種善因
爾時衆弟子等又問曰天下人民甚多善惡不一必謂鬼神
處處巡查日日鑒察則爲鬼神不亦勞乎祖師告曰善哉問
也凡人各有元神著光於頭頂之上若人有一小善則其光
明大善則其光益明若人有一微惡則其光暗大惡則其光
遂滅是以鬼神在虛空往來視其光之明暗昏滅卽知其意
念所起也於是說曰

世人聽我說元因 禍福無門召自人 善惡之報無或爽

譬如有影自隨形 三台北斗在頭上 視人神光暗與明
善心一動光逾亮 惡念初起光遂昏 以此定人功與罪
絲毫報應不差分 天曹自有三官察 地府不離五獄巡
依人所犯輕與重 奪其紀算不容情 日月星辰天上照
又有三尸在人身 每到庚申人睡後 將人罪過奏分明
又有灶君司命主 每月晦日上天庭 家中老幼所爲事
不敢隱瞞據實陳 神在暗中人不見 人有善惡神早聞
若是人心起一善 吉神感召自相隨 若是人心起一惡
凶神鑒察緊隨跟 不待事爲都做出 登時簿籍記分明
善者直待功圓就 惡者必須罪滿盈 那時禍福方纔定

報應遲早各因人 爲人只管行好事 莫問前程與後程
切莫甘心徒造業 輪迴一到失人身 人身豈是容易得
萬劫千生費苦辛 從此回心須向道 各人早早修來因
爾時衆弟子等問曰 今人有身享富厚 每尙奢華 其人來世
何如 祖師告曰 凡人有福不可享盡 有財不可使盡 有勢不
可逞盡 總要惜福 子孫方得久長 若只徒事奢華 不肯分半
濟人 恐享用太盡 他日子孫必受貧賤 自己來生亦終墮落
矣 於是說曰

來生墮落爲何因 只爲奢華浪使銀 稍有餘財便妄費
不肯分半濟貧民 或造高堂並大廈 粧飾華彩過於人

或好綾羅與綢緞 多少蠶命赴幽冥 或厭粗茶與淡飯
珍羞美味方遂心 或置花園與臺沼 迴廊曲榭費工程
或愛歌童並舞妓 每夜貪歡自逞淫 或是賄賂通關節
夤緣官職與科名 或爲生辰與嫁娶 賭賽豪華宴衆賓
或喜攀高附權勢 交結官吏壓平民 自己有福不知惜
那有餘慶及兒孫 何不將財勤節省 稍分一半濟飢貧
世人若肯聽吾語 免受磨折到來生

爾時衆弟子等問曰 今人有豐衣足食 謹守本分 無所害於
人 亦無所利於人 其人來世 何如 祖師告曰 能守本分 亦是
好的 但須急行方便 廣積陰功 獲福方大 若只坐擁多貲 自

圖安享乃世間無用之人天亦不佑子孫亦必受貧矣於是
說曰

世人温飽是良因 切莫吝嗇掛為心 雖然本分循天理
也要功德及眾人 田宅既廣毋多置 休作牛馬代兒孫
衣食有餘便是福 休惹仇怨與親鄰 我見世人不知足
急急忙忙苦一生 朝遊城市貪名利 晚到夕陽憂子孫
只望金銀高北斗 那知福田種在心 人有急難不知救
人有困苦不留心 人有哀號不肯應 人有好話不願聽
閉門只曉家中坐 飽暖只圖了一生 此人在世真棄物
庸庸碌碌混凡塵 雖是平生無大惡 恨無功德及貧民

有朝福祿都享盡 無常一到命歸陰 金銀財物帶不去
只有惡業緊隨身 那時陰司來考問 依然罰落到來生
縱有良田與好屋 兒孫不久賣與人 此是天曹賞罰案
特語大眾共知聞 要問陰德如何種 舉念先存為衆心
文昌帝君曾有訓 陰騭千言句句真 果能依此行諸善
來生福報不非輕

爾時祖師又告諸衆曰世間更有一等愚夫自言不吃人不
害人自信無過那知一切善惡皆由心造總瞞不過天地鬼
神的若不明指破還只道是自己無愧了於是說曰
我為愚夫說元因 休誇自己不吃人 人生在世豈無過

因果說
休說自己不害人 若有損人利己念 便是貪謀一等人
若有施恩望報念 便是沽名一等人 若有記仇懷忿念
便是偏急一等人 若有圖姦謀宿念 便是邪淫一等人
若有高抬市價念 便是好巧一等人 若有吞人田產念
便是吞圖一等人 若有助人爭訟念 便是刁唆一等人
若有謀加租息念 便是刻毒一等人 若有愛討便宜念
便是欺詐一等人 若有趨財附勢念 便是詔媚一等人
若有嫌貧忌富念 便是刻薄一等人 若有幸災樂禍念
便是殘忍一等人 若有違背父母念 便是忤逆一等人
若有輕慢師尊念 便是違叛一等人 若有棄妻寵妾念

便是喪心一等人 若有凌兄欺弟念 便是虧倫一等人
若有藐視尊長念 便是犯上一等人 若有菲薄朋友念
便是矜驕一等人 種種惡念難盡說 陰曹簿案記分明
世人自己捫心想 何得自誇不害人 雖然未曾見諸事
鬼神報應不差分 輕者疾病兼口舌 重者減壽削科名
若要罪惡都消滅 須是回頭積善因
爾時眾弟子等問曰今人有肆意爲惡不見報應者其前世
又何因歟祖師告曰此有三說一是祖父尙有餘德一是前
生善緣未盡一是今生惡業未滿所以報應甚遲也於是說
曰

爲惡不報又何因 都爲前生有善根 或是救世陰功大
或是濟人德澤深 或是祖父多餘慶 故能庇蔭及后人
或是今生惡未滿 故爾僥倖不犯刑 暴戾縱橫爲不善
如魚脫網得逃生 上天不忍遽加罪 念他有功與世人
若是翻然能改悔 還留福澤在終身 若是作惡終不改
上干天怒罪非輕 一切善緣都消盡 那時報應不饒人
報應早的災立降 報應遲的罪不輕 天網恢恢疎不漏
今古何曾放過人 穹蒼注定豈有錯 時日到了自分明
爾時衆弟子等問曰今人皆言命苟淺薄相或寒苦終難發
達但不知可以改移否祖師告曰善哉問也古人云命由心

造相隨心轉豈有不可改移之理但要真心積德耳於是說
曰

今人命薄爲何因 只爲作業在前生 命薄自然相亦薄
五行缺陷不如人 有的命相犯天折 有的命相犯孤貧
只要真心勤積德 上蒼保佑不非輕 我今一一來宣說
爾等大衆靜聽聞 古有命相隨心改 此事流傳到於今
唐時裴度本寒士 縱紋入口犯死刑 一日香山還寶帶
後爲宰相享遐齡 又有宋郊曾遇相 說他只得小功名
一日階前雨水漲 看見穴蟻走不羸 戲編竹橋把他渡
衆蟻得命遂逃生 後來入試文章好 高中狀元第一名

又有席匡應餓死 騰蛇入口憂在心 遇人談說閨門事
 勃然作色戒他人 迄後逾年身無恙 官至台甫享殊榮
 又有了凡袁學士 命該無子壽五星 只因勉行功過格
 遂登進士顯文名 後生一子亦進士 暮年享壽越精神
 又有一个閩士某 試後榜發竟無名 有人說他相寒苦
 勸他積德挽天心 於是訓蒙勤課讀 德行文章並諄諄
 或引古人忠孝事 或示色戒報應文 後來丰神都變換
 果然及第冠羣英 看來只要心田好 命相雖薄未足憑
 以上都獲現世福 何必推問到來生
 爾時眾弟子等問曰今世人有生而貧賤不能克享祖業者

亦有生而富貴忽至書香不振者此何因歟祖師告曰此等
 前因難以備舉總由祖父德薄故致子孫受苦若是耳於是
 說曰

今人不知前世因	悲傷寥落困風塵	生來貧賤雖由命
亦緣祖父少善根	祖父暗用傷人箭	兒孫那得不孤貧
祖父慣使機關巧	兒孫安望再亨榮	祖父履行刻薄事
兒孫累世不能興	祖父好傳是非口	兒孫潦倒一無成
祖父享盡豪華福	兒孫落魄困終身	祖父驕淫多過惡
兒孫措折豈堪矜	祖父殘暴無仁義	兒孫叛逆惹非刑
祖父庸碌罕修積	兒孫頹惰不如人	祖父貪財惟利己

兇孫賭蕩罔心疼 祖父輕師常慢道 兇孫魯鈍少聰明
富貴百年難保守 無常一到家業傾 爲語世人須省悟
莫遺禍殃與後人 任爾算計百般巧 誰知報應在兇孫
爾時祖師告諸衆曰今世人不幸生於窮困之家食不充飢
衣不蔽體仰無以事俯無以畜艱難窘迫殊可憐矣予有四
香戒可以種德亦可以造福但願有志者能體認奉行耳於
是說曰

今人未修前世因 投胎入舍遽遭貧 窮愁抑鬱志不展
恰似身困鐵圍城 莫嗟時命終難遂 莫恨風水不如人
但能常奉四香戒 可以種德在今生 一要手香財不亂

二要體香不犯淫 三要口香不誑語 四要心香不嫉人
再於處世加忍字 無論高下總讓人 身窮只合依本分
隨時方便勉力行 要爲忠孝奇男子 休作頽唐沒志人
祖宗無福我自積 祖宗無德我自勤 眼界須同天地濶
心田留與子孫耕 存此胸懷福方大 具斯學問氣自平
若只徒靠前人福 便是尋常齷齪人 貧而無怨能相勉
自然福祿慶駢臻

爾時衆弟子等問曰今世人每遇神聖誕日賽會演戲聚衆
銀錢日事浮華盡皆消散又有賞花唱曲擲骰鬪牌賭博等
類其人來世當受何報祖師告曰世人所湊銀錢皆從辛苦

節儉來的正好留下做諸利物利人等事乃有市井利徒不
是肥已即尙虛浮將大衆銀錢耗散全無實在利益此等罪
業是干神怒其餘賞花唱曲等類罪亦相同試看那爲首的
可有好報麼於是說曰

世人不曉積善因 祀神賽會歛錢文 搬演梨園諸樂部
一概虛文認作真 不演忠孝節義事 敢點邪戲亂人心
神聖誕日宜誠敬 豈在歡呼唱戲文 只要衣冠齊整肅
跪陳祭禮諷經文 衆戶銀錢豈容易 不知費盡幾辛勤
遠近募化須商酌 修善修福利衆人 或塑神像粧金彩
庶令人人起敬心 或育人材興義學 贖田膏火改成名

或備年荒人乏食 留積錢米救飢貧 或備冬寒霜雪冷
留買綿衣濟凍人 或修善書與方藥 興工發刻遍傳人
有人倡首爲諸善 神聖歡喜願聽聞 凡有捐貲助成美
陰功簿內俱注名 可惜演戲圖鬧熱 全無一點利益存
借端募化神必怒 銀錢耗散罪非輕 神明正直無私照
豈肯佑爾不義人 更有賞花排酒宴 虛華折福悞一生
叫得歌童來唱曲 何不珍羞奉二親 其餘擲骰鬪牌等
無益之事大損神 最好光陰都錯過 何不看書學善行
至於賭博心尤險 乃是虎狼不是人 貪謀吞噬真無厭
消除壽祿禍子孫 我勸銀錢休浪費 留積陰功與後人

若能早把心腸換 神明斷不負汝身 今生作福來生受
古語相傳確是真

爾時衆弟子等問曰今世人家家貧無力者甚多必如何行善
方獲福報祖師告曰善途甚廣無論貧富俱可行之蓋富者
以財貧者以筆以口以力只要發心真切不邀名不避怨行
之久久自有不測効驗矣於是說曰

今勸世人積善因 莫推無力怨家貧 福報路途原甚廣
家貧只要此心真 士農工商俱可積 漁樵牧豎盡能行
車夫輪客俱當勉 婦女兒童亦可爲 傭工乞丐都宜學
不分老少要純心 我今現身來說法 廣開善路度衆人

久久行之毋懈怠 今生獲福又來生

筆下如何積善因 此事全在讀書人 或編濟世書一卷

募眾刊刻告神明 或取良方鈔數本 到處流傳救病人

或錄古今報應事 維持風化正人心 或表他人一隱德

作文宣與眾知聞 或遇人有爭訟事 寫書和解息紛紜

或遇他人多口過 下筆叮嚀作戒銘 或將濟人利物事

寓書婉勸富貴人 或將聖經與賢傳 闡明註釋每留心

或見文體多訛謬 詳加訂正莫悞人 或訓生徒傳聖學

嚴立條規照例行 或著格言醒世俗 使人林目倍驚心

或遇他人有冤枉 情詞懇惻代伸聞 或爲風俗嫌生女

著成一篇戒湯文	自古儒生責任大	助天闡教要直勸
果能一心行普度	兜孫代代作公卿	
醫士救人是良四	望聞問切術宜精	第一察脉要詳細
第二用藥有君臣	到處開方療疾病	隨時施藥寓慈仁
不論貧富請皆往	半積陰功半養身	
卜士正宜積善因	占人休咎處處行	若兼測字尤爲妙
隨事指點衆人心	勸人舉念須向善	戒人作事莫爲非
此外師巫禳禱事	誓不妄斷誤他人	
星士言命理尤深	推算八字要留心	命當富貴勸行善
方保福祿到終身	運交凶險勸積德	救人利物好延生

隨時化得衆人轉	陰功簿內第一名	
相士風鑑亦堪稱	到處方便教人行	遇有福相勸勉勵
培植心田福倍增	遇有劣相勸改悔	廣積陰功可挽回
若能化得衆人轉	生生世世享殊榮	
堪輿卜地亦良因	與人造福不非輕	學到眼高人敬重
直言美惡不欺人	地理還憑天理好	陰地不如心地真
勸人培補方寸穴	子子孫孫自顯榮	以上陰功都無量
今生獲報又來生		
口內如何積善因	只爲方便與世人	或勸富人行施濟
出財糶米救飢貧	或見少年多浪費	與言祖父甚艱辛

或見毫貴時感化	救貧濟苦語殷勤	或見男子多戀色
勸勿縱欲免傷生	或見婦女愛遊玩	勸勿出門惹禍臨
或見倫常多乖忤	勸令和睦一家親	或見文士品學好
勸人舉薦免沉淪	或見他人心不善	常說果報戒勿行
或見婚姻喪葬事	勸從儉樸勿奢為	或見他人談過惡
勸勿出口損聲名	或見他人好嫖賭	幾句良言勸回心
或見他人食牛犬	每將報應說分明	或見他人失產業
勸他謹守勿非為	或見他人踐苗稼	與言農家甚苦辛
或見游手好閑輩	勸尋一藝好營生	或見世有休非事
勸令和順過光陰	或見他人多憂悶	隨時寬解莫焦心

一切陰功都在口 圓轉如環妙在人 久久行之毋自怠

自然善果易圓成

力上如何積善因	只為實心喜助人	見有善事頻幫助
每逢善會肯操心	或約眾人施茶粥	或邀富戶濟飢貧
或替貴人施衣襖	或遇水火救災危	或代他人氣力乏
或為他人送信音	或為好事盡忠辦	或為仇怨解紛爭
或遇投河攔路阻	或遇懸樑急解繩	或務保全婦女節
或暗設法救溺嬰	或扶瞽者將橋過	或行夜路送人歸
或見屠宰勞力救	或覩患難挺身行	或人出財已出力
後來福報俱平分	一切陰功全在力	替人方便盡已心

寒素之家宜學此 豈靠錢財施與人 只怕人心多懶惰
半途錯過此一生

爾時祖師告諸衆曰吾見今人弟兄不和者極多其始或聽
妻子言語其後遂觸父母惱怒推原其故皆由財利起見甚
而爭鬪者有之結訟者有之終身仇怨各不相顧者有之直
到天怒降罰彼此同歸於盡而後已蓋骨肉構難同室操戈
天必兩棄從無獨全之理世人不可不戒也於是說白

今世弟兄前世因 都是同胞共體人 記得幼時相友愛
在家無刻不追隨 到得長來都有室 忘了當初手足情
或聽枕邊嫌言語 或信外人說是非 或怨人多懷妒忌

或憂田少把家分 或想吞謀祖父業 或積私房顧己身
甚且鬧嚷成仇讐 手足離異不相親 有等拚命齊爭鬪
有等結訟到公庭 有等持刀行嚇詐 有等賭咒對神明
彼此相爭無遜讓 同室操戈最可嗔 天怒兩家終必棄
豈肯獨全一個人 先爲逆者先早敗 後爲逆者後必傾
假如父母無遺產 又將何物去分爭 假如父母多逋欠
又將何物去還人 假如弟兄添幾個 豈能獨自享現成
假如自己遭命短 豈能帶去一分文 假如妻挈家貲嫁
豈能留得半毫分 假如生子多不肖 豈能保守百年春
世人各自捫心想 不如忍讓篤天倫 吃虧到底天必佑

度量寬宏福自臻 爭的雖然多產業 後來運蹇家必傾
或是官私或口舌 或是喪亡或受刑 烟消火滅一時盡
只有讓的享亨榮 世人急須早看破 莫教來世結冤親
爾時祖師復告諸衆曰今之富人不外鄙嗇奢華兩種一時
積財不散犯造物之忌一是將財浪費受一世之窮然此俱
置無論獨恨其剋剝租戶欺壓平民以致貧困者愈衆仇怨
者益多倘遇荒災至則盜賊起而刀兵作世界一亂不可救
矣那時節天怨人怨問有一家得安享自在否於是說曰
今人鄙嗇爲何因 只爲積財遺後人 愈積愈久貪心熾
謀算田租太不仁 舉世奢華爲何因 只圖體面遂人情

將財耗盡奸心起 要把田租斗斛陞 始則加租纔一戶
繼則加租到處行 相沿各省成風俗 尙嫌斗小不遂心
每逢歲熟秋收后 風車還要攪幾巡 若過年荒租短少
壓銀扣盡不留情 可憐耕戶衣食缺 致令忍氣復吞聲
有的勤苦家益困 有的借貸身受貧 有的搬移遭窘迫
有的骨肉雨離分 若非富人行剋剝 何至耕戶反受貧
傷哉農民最辛苦 空代他人把力勤 一旦朝廷將糧免
免糧何幸遇皇恩 誰知免的皆富戶 貧民依舊穀加增
以致歲歉飢民衆 飢民一起盜賊興 刀兵仇怨俱發作
一路殺傷慘難云 向時富戶今安在 只見餘尸染血腥

縱然仙佛求相救 救的都是積善人 至於富民非不救
無奈他是巧惡人 此是循環真道理 世人何不早回心
我今再發慈悲念 洩漏天機與衆聞 文昌化書曾有訓
欲迴劫數正人心 從今大衆須寬厚 同登壽域享太平
爾時祖師告諸衆曰吾見世人好食牛犬以致城鄉市鎮殺
之者益多雖經地方官出示嚴禁往往私宰盜賣不知悔改
是以殺之者死無人身其食之者亦投畜道人奈何不知戒
乎於是說曰

世人聽我說元因 大畜惟牛最苦辛 春夏秋冬無止歇
四時常代主人耕 犁耙似有千斤重 農夫遍體打黃荆

水深泥硬拖不動 肚中無草淚淋淋 渴時偶飲田水中
喝声快走不容停 要深要淺隨人意 或東或西轉幾巡
肥田豆麥般般有 繡畝禾苗處處新 碾米不辭身况瘁
拖柴還要力辛勤 如此功勞何等大 可恨人心太不仁
無端賣與屠牛戶 割喉破腦並挖心 取肚抽腸真個慘
驚動陰曹地府神 殺牛之家登鬼錄 削除祿壽不容情
等待殺牛惡貫滿 拿去陰山問罪名 食牛之家均降罰
官私口舌與時瘟 輕者連綿多疾病 重者橫死並遭刑
有朝命盡歸陰府 冤魂對審見閻君 殺牛食牛俱判罪
不容轉世得人身 或變黃牛還宿債 或變青牛吃草根

一旦冤家都撞着 細去屠宰受非刑 那時問誰來解救
何不當初發善心 至於食犬亦當戒 念他有功與上人
時時守夜防偷盜 刻刻巡簷不斷聲 雪夜霜天恒冒冷
風晨雨夕倍驚心 縱然老死須埋掩 何必妄啣口腹吞
試看今生受屠者 盡是前生好味人 莫道世間無報應
終須遲早久輪回 水牛黃牛都要戒 免教來世結冤深
世人謹聽吾言語 生生世世享恩榮
爾時祖師告諸衆曰吾游觀大地見世人皆有病此病原非
湯藥可療針灸可治譬如胸腹有蛇膏盲有鬼痼疾沉疴傷
生促壽雖有神醫不能愈也吾用是憫之爲世人對症立方

按病下藥深費苦心勸之宜服者八藥汝等大衆靜聽於是
說曰

世人有病不知音	特立奇方妙若神	爲勸世人須久服
莫負吾仙一片心		
孝味甘緩性平溫	能填骨髓固本根	培養先天多服妙
悅人顏色並延齡		
弟味甘鹹性帶溫	能調血氣補心神	手足不和宜久服
上能降火下滋陰		
忠信佳者味微辛	能通肺腑壯精神	虛人反覆宜常服
止咳消痰治失音		

仁義一團味甘溫	寬胸益氣治虛疼	腹內毒蟲俱可化
強筋健骨又生精		
讀書味苦性微溫	能通心竅治眼昏	腹內空虛宜早服
消除鄙俗益聰明		
教子微寒味苦辛	馨香悠久乃為真	能去風邪除外感
四肢血脉自調勻		
積善味甘性緩溫	寬中益氣通神明	不拘老少皆可服
延年益髓又添精		
知命味淡能定心	去躁除煩火自平	虛熱不眠宜服此
夜夢魂魄自安寧		

爾時祖師告諸眾曰以上八味真治病之良方也世人不可不服故勸之共有宜忌者亦八味並列於後於是說曰

淫味雖甘毒最深	能走精氣耗元神	損人肌肉成癆瘵
服之不正反傷生		
暴味太烈熱能升	助火動氣躁難平	若無溫緩和平劑
必致發狂損害人		
貪味似甘實苦辛	中有大毒能昏神	令人迷惑不知返
服之不止大患生		
殺味有毒極酸辛	能傷元氣促年齡	求補反削終何益
令人惑亂損真陰		

心術味鹹毒在陰 狀如蛇蠍善螫人 此物中人人必死
切忌陰邪喪命根 其中有毒在聲音 令人舌強兼齒利
口業味酸又帶辛 慎毋輕出反害人 胸中有物如芒刺
刀筆味辣毒尤深 能黑臟腑損肺心 謹防吐出便傷人
爭訟味苦最傷心 既損皮肉又勞神 令人狂忿添憂悶
服之不已性命傾 爾時祖師告諸衆曰此八味者傷人之毒藥也世人不可不
忌故戒之吾見有病者正言易厭戲言易悅故做本草歌括

以嬉笑而出之或者聽而易悅能勸能戒庶不負吾仙救世
之苦心也爾大衆將此諸說刊布傳刻務使人人曉悟若有
能以善書傳一人者當十善傳十人者當百善傳大富貴大
豪傑者當千善捐貲重刻廣布無窮者萬萬善世人果能交
相勸勉吾必將衆等功德保奏天庭則生生世世永獲福報
無涯矣爲此特諭

呂純陽祖師降詩四首

還丹功滿遂朝天再向人間度有緣拄杖兩頭擔日月葫蘆
一箇隱山川詩吟自得閒中句酒飲多遺醉後錢若問我修
何妙法不離身內汞和鉛

其二

舉世何人悟我家我家別是一榮華盈箱貯積羣仙錄滿室
收藏伏火砂頓飲長生天上酒常栽不死洞中花凡流若問
吾生計遍地紛紛五彩霞

其三

世上何人會此言休將名利挂心田等閑滿酌紅螺飲遇興

高吟白雪篇物外烟霞長伴侶壺中日月自嬋娟功成始識
歸來處直駕雲車入洞天

其四

莫怪愛吟天上詩吟成頗覺世間稀慣餐玉帝宮中飯曾着
金霞洞裡衣馬踏日輪紅露捲鳳銜月角擘雲飛幾回漫控
青絲轡直奉丹書入紫微

勸君歸德記心中行正道從此改過亦不遲

百善孝爲先孝中諸事大吉祥後代子孫仍者孝亦康寧孝
中得萬惡滯爲首誰家全有姐合妹妻共女如遇見人起滯
心佔人分毫便宜遠在兒女近在自妻加倍還千萬記心中
不可作毫厘莫作口無德如若口不留德終須報指東說西
暗損人嘴尖舌巧抖人底無好處遂日自稱克己從人行善
事納知神靈早知情你的心報者遠在子孫近在身自己臨
終之時舌自去納時陰中受罪後悔難上難勸君早改過口
留德永無報應永無憂 敬惜字紙亦當先諸事天降福保
你逢凶化吉萬事順百事祥如遇字紙路途中不可放見字

惜俱多焚灰歸海中 勸君戒食牛犬千千萬災禍永免記
心中萬病永不生再者戒殺放生有好處倘生救你容遇難
呈祥禍變福 勸君如遇親族朋友孤寡困苦凋零人量力
憐恤他暗中神靈保佑你又積兇孫又積福祿壽 千萬莫
作恨天怨地風雨不時春種秋收由天定不由人如若順理
行神佑保你五谷豐稔大亨通 勸君莫學逆天行等人堆
積糧石盼旱落重利盤剝大惡人順天行長落由天定高抬
市價無好處不想無業之人難又難大斗小秤修用他輕出
重人無好處勿信肩挑貿易便宜非容易走街過巷不非輕
勸君容人之過積自福諸事三思總行善事福壽長勸君量
力多判因果書禱子得子祈壽得壽祈名利得名利如刊
了因果說時時刻刻神佑你保護你萬事順亨通無既矣

放生咒

天羅開 地羅開 玄元老祖降臨來 天地生汝勿疑猜
弓弦斷絕刀兵迴 火光照耀威靈台 天丁天將護身材
危亡化坦道 急去勿徘徊 神風吹起風雷劍 斬斷一
切無凶災 南無威明顯道天尊
此咒得自廣東南海山穴中凡遇禽獸等物遭網罟之災
默念數遍即得解去廣傳此咒於人獲福無量
附刻救急經驗神方

治眼內翳膜無論新久皆效

葳蕤仁淨肉 五錢 硼砂錢二 上麝香分二 共為細末水調每日點二

因果咒

次不過半月即去翳膜甚效

治單蛾雙蛾纏喉風並喉火喉痛牙疼

白丁香即麻雀糞川烏 草烏 薄荷 灯心灰 共為末飯

為丸啣大牙上則痰涎自出不過三四丸蛾自破

治口鼻內蟻垂方

川山甲二錢 炒焦大棗肉五錢 炒干血竭三錢兕茶三錢輕粉二錢冰片三分

共為細末敷患處外用挖耳草噙口稍愈即服支子湯三碗

治疔瘡神方

紅疔用野紅蘇麻葉搗爛敷白疔用野白蘇麻葉搗爛敷

甚效 又方用野菊花葉搗爛敷或散血草搗爛敷凡惡瘡皆可治

治瘋狗咬方

急令人先飲燒酒二三盃再用燒酒漱口向咬處吮出惡汁吐出再嗽再吮數次止先令一人用杏仁一握去皮尖口中細嚼連口津吮畢敷上每日掉敷一次但不必吮耳更用韭菜汁服一小碗七日服一次共服七次可保萬全百日忌食羶腥辛熱發物終身戒食狗肉如平常狗咬但用燒酒漱口吮出惡毒嚼杏仁敷二三次即愈 又方以芹菜敷之更妙

觀音救苦丹治心口火痛痰痛氣痛虫痛

枯凡 白凡 萬年灰 如無萬年灰用石灰亦可澄細
共為末麵糊為丸雄黃為衣用火酒少許和水吞之即愈
此方救濟甚多

治中風方

用蛇退燒灰錢一射香厘五灌入口中退出痰涎后再看症進
藥

催生方

用牛鼻繩二三寸燒灰酒冲服 又方以牛尿二三分兌
開水食二三口不可多食但使發嘔身與氣上提其胎即

下

治胎衣不下

用火藥錢一冲酒少許服胎衣即下若無酒開水亦可無火
藥用鎗筒中灌水服亦可其胎衣即下

治小兒肚脹青筋面黃鼻孔紅千大便溏泄

用青黛三分飯糊為丸吞服數次即愈

治小兒一百二十樣風症

用蛇退燒灰開水灌服三分甚妙

仙傳救急方

用生石膏兩一硃砂錢二水飛過凡太人中風小兒急慢驚風

因果說

早

服之即愈但小兒數月者只可用五六分一二歲者只可用七八分因年加減大人可用二三錢此方隨便帶在身中費錢不多救人甚廣勿輕視之

治湯火傷方

凡湯火傷者飲冷水必死浸水必爛至骨急搗蘿蔔汁或童便服外用槐花研末過燈油調搽立時止痛爛見骨者用百草霜三錢淨輕粉一錢五分研末香油調搽神效

治百蟲入耳方

取雞血滴耳或菲汁姜汁少許滴耳內或香油滴耳內其蟲必死皆效

治急心痛神方

牙關緊閉欲死用葱白五根去皮鬚搗汁一杯送入喉內再以香油四兩灌下但得下咽即甦少頃重積化黃水而下自愈

往生淨土神咒

從朝寅旦直至暮一切眾生自迴護若於脚下喪其形願汝即時生淨土

唵逸帝律尼莎訶

每早下榻時及塗中踐踏虫蟻急誦此神咒數遍俾得超脫有無量功德亦免來世冤纏

因果說

治小兒乳癬流黃水瘡方

野芝藤葉 晒乾細末 冰片 二分

右調香油搽或過燈油搽即效

治婦人產后風寒雜症

焦荆芥 六錢 炙沙參 三錢 當歸 三錢 川芎 一錢

益母草 五錢 信士弟子王人明敬印二百本

布藥煎湯用童便甜酒沖服 信士弟子劉景峯敬印五百本

寶坻縣同善分社敬送三百本 長白開明圖南氏印送二百本

信士弟子山東肥城縣辛祝佑印送一百本

道光十四年嘉平上澣敬施 信士弟子廂黃旗衡恩魁敬送五十本

仙傳洗眼千洗千應萬洗萬應良方

山西太原府李公七十餘歲雙目不明已十九年因公好善

冬施衣粥有年偶得神僧傳授用皮硝五錢水二盃煎至一

盃每月按一日依時洗三次臨洗之日虔誠齋戒焚香禮拜

不論男女者幼瞽目風火犯上屢瘴一切洗之即愈此方治

千有餘人如許昌人張琛雙目失明已三年矣依方洗之雙

目即明又有南昌縣順化門外廣福菴僧雙目不見已七年

虔心洗至半年雙目光明加倍又侯官縣監生陳和賢瞽目

八年按方洗至一年雙目復明安義縣胡佩玉妻李氏患目

疾數載虔誠齋戒洗之即愈光明加倍此方千金難買不可

目良方

三

因身言
輕視如有授益隱藏不傳者全家招災短壽十年萬不可錯
亂日期若受人一文錢災滅壽一歲抄寫千張者增壽一紀
可不凜之慎之

洗眼日期開列於後

五月初三日	二月初一日	三月初三日	四月初四日
五月初五日	六月初四日	七月初三日	八月初五日
九月初五日	十月初三日	十一月初四日	十二月初五日
十二月初三日	如閏月初三日	十六日	不可錯日洗

